



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Disputatio De Statv In Qvo Sint Beatorvm Animae Post  
Hanc uitam, ante ultimi iudicij diem**

**Dévay Biró, Mátyás**

**[Nürnberg], [1537]**

**VD16 D 1300**

Ad Lectorem.

**urn:nbn:de:hbz:466:1-34195**

## AD LECTOREM.

**S**ATIS apparet quomodo Sathan ubiq; se opponat, ne doctrina Euangelij syncera etiam apud aliarum linguarum homines innotescat. Nam cum uir doctiss. & optimus D. Matthias Deuay, in sua lingua Cassouia & alibi in Hungaria Euangelion annunciaisset cum magno fructu, excitauit Sathan zizania sua per Monachum quendam Zege diensem, qui uarie calumniatus est sanam doctrinam. Quare D. Matthias rationem publice toti mundo uoluit reddere, quod nihil impium aut scandalosum in Hungaria praedica- uerit, & hos duos libellos adornauit, in quorum altero pri ore disputat contra abusum inuocationis sanctorum, quod

*Sicorum inuocatio*

*Hebr. 11*

*Cassado*

*Esai*

ea non solum frustra sit, sed & impia: Si quidem soli Christo honos inuocationis debetur, & Sancti nondum sunt consummati, sicut Epistola ad Hebraeos dicit ca. 11. Et Paulus dicit: quod etsi non omnes morientur, tamen omnes subito mutantur. Et ad Thessalonicensem, quod nos non anteuertemus eos qui mortui sunt. Haec fuit causa pio homini, cur de statu animarum post hanc uitam disputaret ex professo, ut scilicet inuocationem Sanctorum ex hoc fundamento totam conuelleret & euerteret, Siquidem Sancti, etsi sunt, & suam quietem habent, tamen nobis sunt acsi non essent, quod attinet ad inuocationem & intercessionem, sicut Esa. quoque dicit: Abraham nescit nos &c. In posteriore libello, quia quaedam ipsius propositiones ab infano Monacho iniquiss. calumnijs publico scripto erant traductae, propter fratres quos in Hungariae regno habet, coactus est ab istis calumnijs sententias suas uindicare, in quibus (nam breues propositiones sunt) fere omnia complexus est, quae ad fidem nostram docendam requiruntur. Has lucubrationes speramus bonis omnibus



gratissimas fore, quod sunt quasi primitiæ, quæ domino,  
tempore Euangelij ab aliâ nationum hominibus offerunt.  
Quare non gratias solum pro hoc dono agere, sed & Deum  
orare debemus, ut hoc pacto Euangelion suum propaget  
etiã in aliã regna, ut quemadmodum hæc doctrina apud  
Germanos gloriam Christi, quam Sophismatibus suis Mo-  
nachi oppresserunt, illustravit, ac Pontificis & suorum impi-  
etatem in publicum produxit, ita etiã aliã nationes stu-  
dio cognoscendæ gloriæ Christi, & odio Papæ, qui uere  
Antichristus est, impleantur, Amen.

REVEA